

VLA, Urk.: 825

Datum: 12. August 1347

Allen den die disen gegenwertigen brief an sehend lesent oder hörent lesent künde ich hainrich Löchli von Torrenbüren und vergich offentlich an disem brief daz willeglich und gern us gegraben und genomen han min bomme die ich gesezzet hette in minem wingarten der gelegen ist im stainnibach. die schedlich waren und ze schaden komen den wingarten und gütern die bi dem selben mim vorbenemten wingarten im stainnibach gelegen sint und miner herren der gaistlichen des aptes von des koventes des closters und des gotzhus ze pregenz sint. mit sölicher beschaidenhait das mir. der propst den man nennet den von haldenberg der iez phleger ist und vollen gewalt hat des aptes und des coventes des vorbenemten gotzhus. mir dar umb geben hat viel schöffel korns guetes habern die in min nuz komen sint und die ich von im emphanen han mit sölicher gedingen das ich noch min erben noch kain min nachkomen noch kainer der den vorbenemten min wingarten der gelegen ist im stainibach. büwet oder in sin gewalt kumen niemer mer kainer sohlachten bome noch kainer solachten ding gesezzen noch gerinten sol als den vorbenemten gaistlichen herren dem apt und dem covent des vorbenemten gotzhus und iren gütern kumt ald her nach komen mag ze schaden. des sint gezüg und ist biden vorgesruibnen dingen gewesen her uolrich der nekker lüpister ze Torrenbüren amman huober hans sin sun hainz unz Burkart der heovel ze Openberg iahans der nesler und uolrich der phaffe hainz der hezzler hainz der fnncker (snntler) und ander ersamer lüto genug. Ich der vor benente amman huober richter mins genadigen herren urafenhugs von montvort durch betl. des vorbenemten hainrich Löchlins hant min. aigen insigel an disen brief zainer warhat und vestnung aller der varhant und der ding so hie vor an disem brief gesezriben stant. Disu dingen geschahen und wart dirre brief geben ze Torrenbüren So man zalt von gotes geburt drüzehundert Jar dar nach in dem sibem und vierzosten Jar an dem nachsten sunnentag vor unser vrowen g tag ze dem Arendi :-:-

Rückseite:

umb den Wingarten zu Torenbüren Im Stainbach dar Sain halber ain Vertrag gemacht.

1347 Sonntag vor U. F. Tag. 7 Sept. R 24

von Dorebüren um den Wingarten Im Stainebach gelegen